

守山閣叢書

古今姓氏書辨證卷三十五

入聲

一屋

屋

後魏官氏志屋引氏改爲屋氏

穀

春秋穀伯綏之後國在南鄉筑陽縣北唐時爲均州子孫以國爲氏

谷

唐有馬璘大將谷秀河南谷氏後魏谷會氏改焉熙寧姓纂魏昌樂谷氏唐諫議大夫弘文館學士谷那共孫倚相



爲祕書省正字生崇儀右金吾衛大將軍生從政

禿

國語祝融後八姓一曰禿封於舟周人滅之

款

○案此條原本次麴氏後依廣韻移正

姓苑曰竟陵人

角

音祿

見呂靜集韻四皓有用里先生有用氏亦爲角里氏謹按崔嵬佺罷肥鄉主簿時太宗皇帝聞其有學問召問曰四皓中一先生姓或以爲用上一撇或以爲用上一點嵬佺對曰秦程邈撰隸書訓僕隸貴易使也因此世傳之字與古不同臣聞刀有角兩點爲用音鹿一點一撇皆不成字

謹按說文角獸角也象形漢律歷志角觸也物觸地而出
戴芒角也又曰角音斛詩麟之角振振公族東方朔傳臣
以爲龍又無角謂之爲蛇又有足董仲舒傳予之齒者去
其角傳其翼者兩其足朱雲傳五鹿嶽嶽朱雲折其角太
元一與木叶一與辱叶一與族叶三與足叶並盧谷切本
止一字後世又作訖岳切耳偃佺之說非也嶽虞欲切後
漢有角若叔

祿

河南祿氏後魏骨咄祿氏改焉唐涇陽有此姓

鹿

戰國策有鹿毛壽嘗說燕王噲遜位子之漢有巴郡太守

鹿旗因家焉望出巴郡又官氏志阿鹿桓阿鹿孤氏後改

爲鹿氏

○案今官氏志有阿鹿桓氏後改爲鹿氏無阿鹿孤氏

望出河南赫連勃勃

有東平將軍鹿奕子南京鹿曷爲文武之秀傑 宋陳州項城鹿氏益州司戶叅軍元昌生正論西頭供奉官正論生經經生敏求字好古紹聖元年進士

彙

集韻曰人姓音錄

錄

姓苑曰子木反彭城人亦作鉅

銘

音錄

姓解曰天口切

案鐫字集韻作鉅急就篇鐫氏出彭城

卜

風俗通曰氏於事者巫卜陶匠是也春秋魯有大夫卜齮
魯莊公車右卜國劉聰之臣有卜抽卜崇卜幹卜泰
南後魏須卜氏改爲卜氏唐開元中有處士卜隱之

木

前燕壽光末

案慕容儁僭位改元光壽此誤

兵集鄴城盜賊互起每夜攻

劫晨昏斷行捕誅賊首木骨和等百餘人乃止唐百濟大
臣八姓其一曰木氏

沐

今詳說文沐水在青州然或以水氏

福

古今事類彙編卷三十一 三
唐突厥傳武后遣將軍嶋夷公福順富爲總管

幅

出姓苑

伏

漢濟南伏生名勝字子賤四世孫孺客於琅邪東武因家焉伏孺生理字君游爲高密太守以詩授成帝故齊詩有伏氏學理生大司徒陽都侯湛字惠公湛生隆翕咸隆字伯文光祿大夫子瑗爲郎中翕生光光生晨位特進生屯騎校尉無忌采集古今爲伏侯注八卷無忌生大司農質質生完皆賜爵陽都侯自伏生以後世傳經學清淨無競故東州號爲伏不鬪湛同產兄弟恭字叔齊爲司空洛

陽伏氏子成爲晉平北將軍姚襄左部帥

復

漢年表有昆侯復案

案漢功臣表作昆侯渠復案

服

周內史叔服之後以字爲氏漢江夏太守服徹後漢九江太守服虔注漢書舊望江夏

復

漢東海復仲翁爲宣帝師服虔曰復音馥師古曰房福反

縮

古今人表有縮高安陵人能辭大位以全父子之義

陸

出自媯姓田完裔孫齊宣王少子通字季達

案唐世系表作季達

封於平原般縣陸鄉卽陸終故地因以氏焉通謚曰元侯
生恭侯發爲齊上大夫發二子萬皐皐生邕邕生漢太中
大夫賈萬生烈字伯元吳令豫章都尉旣卒吳人思之迎
其喪葬於胥屏亭子孫遂爲吳郡吳縣人其後有潁川枝
荊州枝丹徒枝樂安枝魚圻枝諫議枝侍郎枝世系具唐
宰相表謹按吳陸氏三相五侯將軍十餘人又吳郡陸英
子玩玩子始始子萬載萬載子子真五世爲侍中又南齊
陸慧遠慧徹慧曉慧恭案唐世系表皆子真之子房望最
高時人稱非四慧之子孫不得稱望族也後魏大將軍河
南陸倕封惠平王子麗封平原王子定國封東都王陸氏

三世封王唐初定河南陸氏舊在乙門唐陸元方與子象
先景融子禹錫翹三世皆爲中書舍人

翹

西涼有右丞相翹景後蜀李特以翹歆爲爪牙南燕司空
翹仲南京記室監翹梁明又有翹承明爲文武之秀傑

淑

前燕咸和九年慕容皝遣揚威將軍淑虞攻烏丸悉羅侯
於平岡斬之

育

集韻曰姓也亦作毓

祝

河南祝氏魏吐缶氏改爲祝氏

叔

元和姓纂曰八凱叔達之後或晉大夫叔向後誤矣謹按春秋叔氏出自姬姓魯文公少子曰叔盼宣公篡立叔盼不義其兄所爲終身不食其祿別其族爲叔氏春秋書公弟叔盼者是也盼生嬰齊嬰齊生叔老老生弓弓生輒輒生鞅鞅生誼誼生還還生青青生世世仕魯爲大夫河南叔氏後獻帝叔父乙旃氏之後改焉

叔

西域天竺人姓

畜

出自非子之後畜牧汧渭之間馬大蕃息支孫氏焉

鄯

許六切

出自楚大夫雍子奔晉晉人與之鄯以爲謀主因以邑爲氏漢有東海太守鄯熙因官居焉今望出東海

竹

謹按後漢史夜郎竹王初有女子浣於遯水有三節大竹流入足間聞其中有號聲剖竹視之得一男兒歸而養之及長有才自立爲夜郎侯以竹爲姓武帝元鼎六年平南夷爲牂牁郡夜郎侯迎降天子賜其王印綬後遂殺之夷獠咸以竹王非血氣所生甚重之求爲立後牂牁太守吳霸以聞天子乃封其三子爲侯死配食其父今夜郎王有

竹王三郎神是也

竺

東莞竺氏後漢擬陽侯竹晏之後報怨有仇以其仇爲名

士

○案此六字疑有誤廣韻作以謂始名賢

不改其姓乃加二字以存夷齊而

移於瑯邪莒縣其孫竺固爲後漢侍中至晉竺毅自莒縣徙居始平元和姓纂曰本天竺胡人歸中國爲竺氏誤矣

郁

後趙有索頭郁鞠率衆三萬降石虎

肅

韻譜曰八元仲堪諡肅後世爲氏或云肅慎氏之後元和姓纂曰成肅公之後梁有西豐侯肅正德皆誤矣正德姓

蕭非肅氏

宿

魏王珪妻以宗女拜上將軍賜姓宿氏

○案此當有脫文

玉

謝承書曰京兆杜陵人世爲三輔名族玉姓也

凰

出姓苑集韻音宿

睦

西胡人姓唐初有涼州胡睦伽佗爲寇

繆

音木

秦繆公之後以諡爲氏或作穆魏志繆襲字熙伯繆生之

後爲尙書郎晉有繆播官中書令前燕有繆愷蘭陵人後漢中牟人繆彤字豫公

穆

宋穆宗宗子觀觀子壽壽子平國平國子熙五世襲宜都王號五王穆氏又穆觀及子亮亮子紹紹子正國正國子平城五世皆尙公主又壽及子平國平國子伏干伏干弟熙三世尙六公主又崇子觀觀子壽並爲太尉凡三世三公

屋廬

孟子有屋廬子元和姓纂曰晉賢人屋廬子著書言彭聃之法蓋廬誤爲盧也

屋南

元和姓纂曰代北複姓謹按此必無南氏誤無爲屋

案代北複

姓無南氏疑或公南社南氏之訛

屋引

出自房氏晉初有房乾本出清河使北虜留不遣虜俗謂房爲屋引因改爲屋引氏乾子孫隨魏南遷復舊氏而河南猶有屋引氏乞伏國仁以屋引出支爲右相其後有屋引阿洛者泄乞伏乾歸之謀於利鹿孤又鎮西將軍屋引破光爲河州牧唐雲麾將軍屋引宏生統軍豐豐生渭南郡公封

獨孤

其先本姓劉氏當後漢北蕃右賢王劉去卑之先尙漢公主因從母姓劉氏後魏在北三十六部有伏留屯爲大人居於雲中和平中以貴人子弟鎮川因家焉伏留屯之後有俟尼生庫者後魏司空生信河南洛陽人周太宗伯衛公獨孤信本名如影唐贈太尉趙景公生羅善穆藏順隋宗整長女周明帝皇后第二女唐元貞皇后生高祖第四女隋文章獻皇后生煬帝羅隋封蜀公生開明開遠開徹武開明祕書少監生璡金部郎中開遠邠州刺史永平公開徹左衛將軍考城公生元哲元同敬同元哲兵部員外元同主客郎中昌淄州刺史孫允主客郎中陳州刺史生方臯方平方平生邁敬同博州刺史善隋河內公孫映司

勳郎中洛州長史生志儉郎州刺史暎孫肅先肅北部郎
中光祿卿先絳州刺史藏隋金州刺史武平公生機機生
修法修本修德修德膳部郎中同州刺史滕公孫慶右武
將軍修法通州刺史修本生訥桂州都督生扎本兄子諶
駙馬淄州刺史順武成公生安成殿中少監生賢意賢意
生慶之左武衛將軍生克忠漢州刺史隨隋聞喜公生延
壽太常少卿新蔡公生道節兵部郎中節生炫都官郎中
整隋平鄉公生懷恩唐工部尚書臨川王永嘉房後魏本
迴紇之後本姓劉氏代居雲中正五代孫冀案獨狐氏唐世系表云出自漢光武子沛獻王輔之後裔孫進伯敗沒匈奴囚之孤山下生戶利單于以爲谷蠡王號獨孤都六世孫羅辰從後魏孝文徙洛陽羅辰四世孫冀武安公此云本迴紇之後未詳且冀五世祖名眷此云正五代孫亦無可考通志

說同武安公生業

案唐世系表業作永業

北齊司徒臨川王周大司寇

襄州總管生子潛

案唐世系表子潛作子佳

周儀同

案唐世系表作隋淮州刺史

生

義恭義盛義順義盛生士約士約孫冉

案唐世系表冉作冊。案汲古閣本

新唐書作輔

戶部郎中弟恩生華兵部郎中義順唐兵部侍郎

左丞

案唐世系表義順虞杭簡三州刺史與此異

洛陽公生元愷元慷元慶元

愷給事中生思莊左金吾大將軍思行洋州刺史元慷曾

孫明駙馬都尉元慶生陳

案唐世系表陳作思陳

鄂令生賓庭含章

易知通理通濟

案唐世系表作道濟

賓庭左金吾兵曹

案唐世系表作左

補生問俗鄂州刺史團練觀察生勉助勸勉揚子令助

太子舍人生申叔遐叔申叔校書郎通理殿中侍御史頴

州長史生汜巨及丕汜睦州刺史巨左

案唐世系表作右驍衛兵

曹及常州刺史生朗郁朗協律郎郁考功員外中書舍人

○案唐世系表郁祕書少監與此異

生庠通濟導江丞生悋悋左司郎中

生寂寔密寔殿中御史寂進士密海州

○案唐世系表作雲州

刺史

生蒙雲霖雲吏部侍郎東川節度生回損霖祕書監義順

兄叔德孫楷萬年丞

○案唐世系表楷賴川郡長史

生嶼峻

○案唐世系表嶼峻楷弟

與此異

嶼兼侍御史峻浙東節度右金吾大將軍

京兆隋

書獨孤楷傳云不知何許人姓李氏父屯從齊神武戰於

沙苑敗爲柱國獨孤信所擒配爲士伍賜姓獨孤氏後居

京兆楷弟盛楷隋并州總管汝陽郡公生凌雲平雲滕雲

卿雲彦雲平雲千牛將軍安止公彦雲厯陽公滕雲荆府

長史廣武公生奉節生琬炎琬太僕卿開元中上表請改

姓李氏名備炎司勳郎中卿雲右屯衛大將軍汝歸公生
元節元節生祥之瓊珍珠祥之左羽林將軍珍生楚頴彦
卓楚生良矩矩生輔頴生良佐良弓良器良弼良史良儒
良器通州刺史良弼兼御史中丞良史生瑋進士復姓李
氏彥生良裔卓少府監生惠慈愿慈意怱慈生志楷弟盛
隋右屯衛將軍紀公生僧達僧達生守中唐右金吾大將
軍案此條永樂大典原載爲元和姓纂之語然中引獨孤
損乃昭宗時相豈可入元和時書且與通志所引姓纂
不合今改爲古今姓氏辯證而以通
志中所引姓纂文錄入元和姓纂

谷會

慕容農有部將谷會歸農欲殺歸而惜其勇力後魏官氏
志河南谷會氏改爲谷氏○案今官氏
志無此文

谷渾

孔至雜錄曰後魏改姓渾

谷那

唐有博士谷那律

斛律

齊丞相咸陽王斛律金唐有郎中斛律貽慶

斛穀

南燕慕容超遣將斛穀提公孫歸寇宿豫陷之執東平太守劉千載濟陰太守徐阮大掠而去以功並封爲郡縣公

斛栗

孔至姓氏曰曰代北斛栗氏後改爲斛斯氏

斛斯

或云本代北斛栗氏改焉後魏有刺史斛斯疋
禿髮

出自後魏拓拔氏之族曰匹孤率其部自塞北遷河西鮮
卑部其妻胡掖氏方娠因寢而生子壽闡於被中鮮卑謂
被爲禿髮因以爲壽闡氏壽闡立孫樹機能始據涼州爲
晉將馬隆所殺從弟務丸統其部衆務丸孫推斤年一百
一十生思復鞬素渥若留思復鞬三子烏孤利鹿孤傉檀
烏孤爲呂光征南大將軍益州牧左賢王隆安元年自稱
南單于南京國王在位三年諡曰武廟號烈祖弟利鹿孤
立 在位三年諡曰康王弟傉檀立 在位十三年而國亡西

秦熾磐封爲左南公諡曰景王其從弟替引鎮領南洛回
鎮廉州利鹿孤諸弟曰鎮北將軍俱延興城侯支支又一
弟曰吐雷烏孤子曰西平太守赴單倂檀死於乞伏氏其
族歸魏倂檀六子長曰武臺爲太子乞伏氏殺之次曰保
周臘于破羌魏以保周爲張掖王破羌爲西平公以俱延
之子覆隆爲酒泉公利鹿孤之子副周爲永平公烏孤孫
承鉢爲昌松公倂檀長兄子樊尼安西將軍又索虜秃髮
如荀率戶二萬降乞伏乾歸乾歸妻以宗女

祿里

神仙傳有祿里先生祿卽用也蓋字誤

鹿勃

古今文上書卷三十三
燕慕容雋擊破鄧恒將鹿勃早於魯口早僅以身免

卜梁

○案此條原本次木
易氏後依廣韻移正

姓解曰楚文王子食采諸梁爲卜梁氏莊子有卜梁倚

木易

後魏木易干爲多蘭部帥

沐蘭

蘭或爲簡姓苑云任城人

福子

元和姓纂曰齊大夫福子丹見國語誤矣謹按國語無此
人也

伏侯

出自風姓伏羲之後以號爲氏漢濟南伏生名勝字子賤
四世孫孺客教授琅邪東武因家焉孺生理字君游爲高
密太守以詩授成帝故齊詩有伏氏學理生大司徒陽都
侯湛字惠公湛生隆翕咸隆字伯文光祿大夫子瑗爲郎
中翕生光光生晨位特進生屯騎校尉無忌采集古今爲
伏侯注八卷無忌生大司農質質生完皆賜爵陽都侯自
伏生以後世傳經學清淨無競故東州號爲伏不鬪湛同
產兄弟恭字叔齊爲司空 洛陽伏氏子成爲晉北平將
軍姚襄左部帥

按伏侯註與前伏字註俱同
並無伏侯得姓解釋恐誤

陸終

元和姓纂曰祝融子陸終之後有陸終氏又曰王莽曾孫

孺興與東平陸終氏有惡謹按古有陵終氏然陵陸偏旁相近必陸訛而爲陵也

祝

元和姓纂曰衛祝固之後漢有侍御史祝固遙

叔孫

出自姬姓魯桓公第三子叔牙謚僖叔立其後爲叔孫氏僖叔生戴伯茲茲生莊叔得臣得臣生宣伯僑如及穆叔豹豹生昭子姁世系具春秋人譜又後魏十姓獻帝叔父之後乙旃氏改爲叔孫氏

叔仲

出自姬姓魯桓公子叔牙爲叔孫氏牙孫叔彭主別爲叔

仲氏是爲叔仲惠伯惠伯生昭伯帶帶生穆子小小生志
又孔子弟子曾字子期禮記有皮及衍皮生子柳及子碩
叔帶

元和姓纂曰英賢傳趙叔帶之後齊大夫有叔帶子莊爲
莊公御

叔達

元和姓纂曰八愷叔達之後周大夫有叔達焉

叔先

後漢有鍵爲人孝女叔先雄父泥和溺死雄自投水中後
六日與父尸相持浮於江上郡縣爲立碑圖象雄弟賢附
雄傳

叔敖

姓書曰楚令尹孫叔敖之後誤矣謹按敖字孫叔古人先字後名故曰孫叔敖自古無兼名字爲氏者

叔梁

姓解曰孔子父曰叔梁紇誤矣謹按紇字叔梁非氏也

叔夙

元和姓纂曰世本羊舌職生叔夙爲叔夙氏

郁朱

代北複姓

目夷

出自子姓宋公子目夷爲左師聽宋國之政子孫別爲目

夷氏

牧師

元和姓纂曰漢禮依周禮令主養馬後世因以爲氏

獨孤渾

後魏官氏志獨孤渾改爲杜氏

斛瑟羅

後魏官氏志斛瑟羅氏改爲羅氏

木骨閭

蠕蠕舊姓也後改爲郁久閭

伏俟龍

代北姓後周大將軍伏俟龍惠

宿六斤

○案此條原本次牧師氏後依廣韻移正

後魏官氏志宿六斤改為宿氏望出河南

郁久間

後魏神元時掠騎獲木骨間北方言首禿也自云匈奴之甥車鹿會育部衆聲訛為郁久間氏魏帝號之為蠕蠕後魏時蠕蠕強盛支屬入中國者郁久間登北齊朔州刺史安平公生感斌感唐左司禦率生範大理丞斌洛陽令生昌生均

郁原甄

後魏改為甄氏

古今姓氏書辨證卷三十五終

古今姓氏書辨證卷三十六

二沃

毒

唐宰相竇懷貞與太平公主謀逆既敗投水死追戮其屍
改姓毒氏

穉

宋宦官穉懷志掌香藥權易院坐賊棄市

穉
音辱

奴沃切廣信穉氏本姓陸避事改爲穉

穢
音鐵

集韻曰邑名亦姓也邵氏音足誤矣一曰作木切

鉉

音鐵

租毒將王一切出姓苑

僕固

唐貞觀二十年鐵勒九姓大首領率衆降分置瀚海九都督府以僕骨歌濫拔延爲右武衛大將軍金微都督訛爲僕固氏生乙李噉生懷恩懷恩破安史復二京有功位太保兼中書令大寧郡王子瑒節度使又有族子僕固名臣懿宗時有大酋僕固俊

僕蘭

後魏官氏志改爲僕氏

三燭

辱

廣陵多此姓自云本姓陸氏

緣

亦作淶姓苑曰古有綠園爲顓帝師謹按淶水名也在湘東必其先以水爲氏

遂

音祿

王莽以同風侯遂並爲大司馬又有左隊大夫遂並石趙有光祿大夫廣平遂明石勒十八騎有遂明疊唐有郎中河陽遂仁傑高駢將亦有遂並

足

戰國策韓有足强嘗說韓王則足爲人氏矣

越音蜀

梁四公子越端○案廣韻作越端之後

續

望出河東襄陽

栗

今嶺南多此姓

予

丑六切廣韻曰予也按予予義通於躑躅風俗通云河東予氏楚有大夫予衡

燭盧

唐吐蕃相尚婢婢嘗遣燭盧鞞力與磨離罷子將兵禦論

恐執輦力請按兵拒險罷于不從輦力稱疾歸鄯州

四覺

角

後漢馮異傳有賊角閼據汧洛

催

集韻音確姓也後漢書有關堅催汜誤矣謹按獻帝初平三年司徒王允殺董卓夷其族卓部曲將李催郭汜等反攻京師殺王允催等自爲將軍然則催汜乃二人名非姓

岳

姓原韻譜曰四岳之後今南方有之望出山陽

樂

出自子姓宋大司冠樂呂呂孫喜字子罕爲宋司城喜孫
舍祁輓祁一曰祁黎字子梁生溷字子明溷生茂字子潞
三世爲司城輓爲大司冠生朱鉏世系具春秋人表茂裔
孫羊事魏文侯封於靈壽子孫家焉羊孫毅趙望諸君毅
孫臣叔漢華成君自趙徙長陵

卓

漢卓王孫蜀人卓茂

案卓茂南陽宛人此上載卓王孫蜀人而系茂於下不載其里居宜增入

祖父皆至郡守茂以密令知名光武以爲太傅褒德侯長
子戎太中大夫次子崇大司農汎鄉侯子夢孫訢曾隆皆

嗣侯

樸

案此條及下朴氏條原本
本次濯氏後依廣韻移正

出姓苑

朴

普木切後漢巴郡蠻酋羅朴督鄂度夕龔凡七姓夷帥朴胡舉其衆附魏唐新羅國王姓金貴人姓朴民無氏有名

濁

漢貨殖傳有濁氏賣脯而連騎又元后名政君初入宮時皇后使掖庭令濁賢交送政君太子宫謹按說文濁水出齊郡厲鉅山東北入鉅鹿必以水爲氏

濯

鄭人子濯孺子見於孟子風俗通云濯輯之後

樂利

元和姓纂曰齊胡公支子爲樂利氏

樂王

姓苑曰漢有郎中樂王幾出晉大夫樂王鮒後誤矣謹按春秋王鮒姓樂謂之樂成子

五質

郅

漢有郅君章望出西平謹按潛夫論曰周先姑氏

○原本姑字譌

作女吉下吉姓條同今改正

封於燕汝南郅君郅音與吉同而字則異

又按周封伯儵於南燕其姓音不與郅同而前漢音義郅之曰反則王符誤矣

帙

秩音

纂要云人姓

一
邵氏曰姓書無一氏今江南彭澤有之嘗是姓乙訛爲一也

漆

出自古諸侯汪芒氏之君漆姓或曰漆雕氏之後誤矣

匹

西秦乞伏國仁鮮卑匹蘭率衆五千降又熾磐克西涼湟河太守沮渠廣宗以其左衛將軍匹逵爲河湟太守又左衛匹逵大破彭利和于湟川

吉

出自姑姓黃帝裔孫伯儵封於南燕賜姓曰姑其地東都燕縣是也後改爲吉易州刺史哲之後世系具唐宰相表元和姓纂曰一云周卿士尹吉甫後以王父字爲氏誤矣謹按集韻吉字注云人姓詩謂之尹吉然則姑姓在周已改爲吉而尹氏吉氏皆周大族非尹吉甫後也

佚

鄭大夫佚之狐始以氏見春秋

栗

趙將有栗服

室

○案此條原本次畢氏後依廣韻移正

宋朝有遼相室昉之子种歸朝爲諸衛將軍見千姓編謹

按室氏本幽州人非遼種昉爲布衣時與宋琪齊名初歸爲號州監軍爲謝泌言遼中事甚詳

畢

出自姬姓春秋時畢萬封於魏其裔孫畢陽漢武功臣有

遼

案漢書遼作繚

侯畢取取生奉義後漢兖州別駕諶世居東平

世系具唐宰相誠表唐東平郡四姓祁州新平郡三姓皆

一曰畢

姑

巨乙切

從女從吉巨乙極乙二切出自黃帝子得姓者十四人其一則爲姑氏裔孫伯儵周封之南燕常與姬姓婚姻鄭穆公之母皆南燕女也

率

與帥同今豫章多此姓望出范陽南陽及河南宋有司勳
郎中鹽鐵判官率汀右拾遺率繼業

密

○案此條原本次乙
氏後依廣韻移正

出自姁姓密國之後密康公爲周共王所滅子孫因以國
爲氏

乙

風俗通漢有南郡太守乙世前燕慕容皝有護軍乙逸北
史蘇瓊爲清河太守有乙普明兄弟爭田積年不斷瓊謂
之曰天下難得者兄弟易求者田地兄弟叩首遂同居安
祿山偏裨乙舒蒙宋沂州儒生乙恕郊居肄業一旦有橫

屍在舍前吏捕擊論死恕無以自明信都郡王德彞雪其
冤衆以為神明

悉羅

○案此條及下悉雲氏條原本
本次栗陸氏後依廣韻移正

燕慕容垂嘗請尚書郎悉羅騰從軍

悉雲

後魏官氏志改為雲氏望出河南

○案今官氏
志無此文

漆雕

孔子弟子漆雕氏魯人開字子開哆字子欽及徒父凡三

人

栗陸

元和姓纂曰古帝栗陸氏之後或為栗氏趙將有栗服唐

裴休父肅平浙東劇賊栗鏐

室孫

姓苑曰古賢人有室孫子著書唐州人有室孫氏

叱列

代北西部大人世爲酋帥以其部爲氏

叱利

代北叱利氏後改爲河南利氏

叱干

代北人後魏獻帝定姓爲叱干氏居武川夏錄有將作大匠叱干阿利爲赫連勃勃蒸土築城者

叱呂

代北叱呂氏後改爲呂氏

叱奴

赫連勃勃有將叱奴侯提

密貴

○案此條及下密須密革密茅四條
原本次室孫氏條後依廣韻移正

西秦錄乾歸有左輔密貴周勸歸稱藩納質於涼旣而悔
之遂誅周等

密須

世本曰商時姁姓國也文王滅之其後以國爲氏姓苑曰
琅邪人

密革

姓苑曰琅邪人也

古今姓氏書辨微卷三十一
密茅

姓苑曰琅邪人

乙旃

後魏獻帝命叔父之嗣曰乙旃氏後改爲叔孫氏之伏國
仁以乙旃童塗爲左相

乙干

代人後魏有都督乙干貴

一利咥

唐回鶻傳薛延陀者先與薛種雜居後滅延陀部有之因
號薛延陀姓一利咥氏在鐵勒諸部爲最雄長

一斗眷

又作一叔脊又作一斗脊後魏改爲明氏

一郇萇

萇一作婁後魏改爲萇氏

乙速孤

代北三字姓

失利波羅

盤盤國東南有哥羅王姓失利波羅名米失鉢羅

六術

迷

風俗通云世本魯大夫仲迷之後仲一作叔

橘

唐日本傳貞元末遣使朝貢其學子橘免勢願留肄業

朕

○案此條原本次述
氏後依廣韻移正

音橘廣韻曰人姓也出韻譜以此知張始興公作姓源韻
譜在廣韻之前凡二書同載姓氏皆合以韻譜為正

黜容

後魏代北人姓

出連

○案此下三條原本次
橘氏後依廣韻移正

秦乞伏氏有征虜將軍出連輔政沙州刺史出連虔丞相
南川宣公出連乞都右輔將軍出連高胡後魏官氏志出
連氏改為河南畢氏

出就

黜弗
漢藝文志古有出就鞠著書二十五篇言兵要

後魏官氏志改爲河南弗氏

○案今官氏志無此文

古今姓氏書辨證卷三十六終

古今姓氏書辨證卷三十七

八物

弗

後魏官氏志黜弗鐵弗燕弗並改為弗氏

案史記禹後有費氏索隱云世

本費作弗。案鄧氏所引官氏志今無此文

蔚

蔚一作尉古尉繚子著書

屈

自瑕及屈重屈完而下世系具春秋人譜漢高帝九年十一月徙齊楚大族昭氏景氏屈氏懷氏五姓關中與利田宅南涼有將軍屈右

弗音弱

左氏曹大夫弗翰胡

攷證案左傳弗翰胡爲始以氏見一

作佛音弼邵氏曰論語佛矜以中牟叛今解在八物齊宣王時有作履者弗氏姓書曰弗翰胡之後

弗羽

後魏官氏志弗羽氏改爲河南羽氏

弗忌

元和姓纂曰晉大夫欒弗忌後

不蒙

元和姓纂曰下音夢唐武后末年有河源軍大使不蒙令卿與郭元振同迎吐蕃降人

不更

謹按此氏當出秦不更女父之後

不第

潛夫論宋不第氏子姓也

屈侯

○案此條及下屈南屈盧屈同屈門屈引原本俱次第氏後依廣韻移正

風俗通魏賢人屈侯駙史記漢有郎中屈侯原

○案史記及通志氏

族略引俱作像此原字誤

屈南

元和姓纂曰屈原裔孫仕後魏魏重複姓以自南來乃加

南字或作屈男

屈盧

出後魏官氏志

○案今官氏志無此文

屈同

出後魏官氏志

○案今官氏志無此文

屈門

出後魏官氏志

○案今官氏志無此文

屈引

出後魏官氏志

九迄

暨

吉音

唐天寶中有暨晃弟昱暨佐時上元中淮制改爲周氏今餘杭與閩中多此姓而音訛爲潔氏宋建州暨文渭生派

某州助教泳生陶中大夫陶生唐裔紹聖四年進士又有
右通直郎前通判臨安府尚卿字公望弟右迪功郎監潭
州南嶽廟召卿字公南 雄州暨守教生茂瞻茂瞻生君
儒君儒生商俊政和五年上舍

乞

謹按資治通鑑吐谷渾有司馬乞宿雲相其王辟奚

乞伏

西秦乞伏國仁號大單于本鮮卑乞伏部酋帥因氏焉國
仁之先曰乞伏可汗託鐸莫何如弗斯字紇干五世孫祐
鄰鄰子結權結權子曰利那曰祁塋利那子述延述延子
偃大寒皆相爲酋帥偃大寒弟曰生雷勇士撫軍

案晉載
記大寒

弟曰吐雷苻堅使爲勇士護軍撫其衆勇士川地名也此作生字誤

大寒子曰司繁步類

案晉

載記類作類

司繁始號南單于四子曰國仁曰乾歸曰智遠曰

木奕于國仁始僭號西秦王在位四年私諡烈王廟號烈祖弟乾歸嗣在位二十四年諡武元王子熾磐嗣智達爲龍驤將軍國仁生公府乾歸四子曰熾磐曰勅勃曰審虔曰延祚熾磐嗣位七年死子慕末嗣勅勃質于西京審虔中軍延祚禁中錄事熾磐子元基慕末元基右丞相慕末嗣位三年赫連氏滅之祁瑩弟曰軻瑩述延尊爲師傅又族人曰乞伏益州

案晉載記乞伏益州秦州牧也

京州乞伏軻瑩驍騎將

軍乞伏務和

乞連

西秦錄有丞相乞連出都案西秦錄丞相出連乞都辯證前既有出連氏此又爲乞連氏誤

乞利陁

唐中天竺王姓乞利陁氏亦曰殺利陁氏

十月

厥

漢衡陽王賜妾厥氏謂之厥姬姓苑曰京兆人

闕

風俗通闕黨童子之後漢荊州刺史闕栩又有下邳賊闕宣又縱橫家有闕子一篇

髮

漢有東海人爰福修韓詩

謁

風俗通云古謁者以官爲姓後漢汝南太守謁瓊一名煥
見獨行廖扶傳名世曰漢東平王后謁亦當爲氏師古以
爲名謁誤矣

越質

西秦乞伏國仁破鮮卑越質叱黎于平襄獲其子詰歸弟
子復半詰歸後爲北京州刺史

越勒

見越氏西魏以開府儀同三司越勒肱爲司空其先庫狄
越勒部酋長因氏焉

越椒

元和姓纂曰楚大夫越椒之後爲氏

越強

見越氏

闕門

漢儒林傳膠東內史闕門慶忌鄒人申公弟子也

十一沒

骨

河南骨氏後魏官氏志紇骨氏改焉

○案今官氏志紇骨氏後改胡氏與此不

今隋京兆郡丞骨儀聞唐公入長安奉代王侑乘城拒守

悖字音

梁武帝第二子豫章王綜叛入魏帝改綜之子直氏曰悖

未旬日而復之

案悖通志作勃風俗通宋左師勃之後晉有寺人勃觀

紇

音鵲

後魏官氏志紇單氏改為紇氏

○案氏族略作改為單氏今本官氏志作阿單氏改

為單氏無紇單氏文

西涼沮渠蒙遜遣安西將軍紇勃耀兵禿髮僊

檀之西境

沒藏

李元昊子諒祚其母密藏氏為尼又大臣密藏鄂特彭事

政以女妻諒祚諒祚殺鄂特彭及其女

○案此條與標題不合恐有誤

沒鹿

紇豆陵氏本沒鹿回部大人因氏焉或作沒鹿氏

紇干

西秦錄云初自漠北南入陰山遇大蟲於路狀如龜大如陵阜乃殺馬祭之俄而不見乃有一小兒在焉乞伏部老父無子者請養爲子衆許之老父忻然自以有所依憑字曰紇干紇干華言依倚也後因爲氏唐御史大夫紇干遂江西觀察使紇干泉望出雁門

紇奚

北齊開府紇奚永樂

紇骨

案此條原本次鶻奚氏後今移王

後魏獻帝兄後改爲紇骨氏

鶻奚

代北人姓

沒鹿真

後魏代北姓

骨咄祿

河南祿氏後魏骨咄祿氏改焉唐涇陽有此姓姓纂云出紂子祿父後誤矣

勃窣野

吐蕃姓也其先發羌之祖曰勃窣野武多智稍并諸羌據其地蕃發聲近故其子孫曰吐蕃而姓勃窣野

噶石蘭

官氏志後改石氏

紇豆陵

○案此條及下紇突鄰氏條原本次沒鹿真氏後依廣韻移正

後魏賊帥有紇豆陵伊利

紇突鄰

後魏改爲鄰氏

十二曷

姐

音但

元和姓纂曰紇姐姐已之後誤矣謹按姐已有蘇氏之女也

遏

出自媯姓虞遏父爲周陶正支孫以字爲氏

刺

韻譜曰後燕有合浦公刺敦東夷人宋有贊善大夫刺頽

鵬冠○案此條原本次葛伯氏後依廣韻移正

姓苑有鵬冠子著書

達勃

元魏達勃氏後改爲裴氏一曰改裴氏

渴侯

後魏渴侯氏改爲侯氏

葛伯

見葛氏

渴足渾

渴足渾改爲朱氏望出河南

十三末

末

本姓秣避難去禾爲末氏新唐吐蕃傳會昌乞離胡爲贊
普別將尙恐熱爲落門川討擊使姓末名農力謹按熱猶
中國所謂郎也

秣音末

古秣陽國或曰秣陵以國爲氏

括

出姓苑

斂

出姓苑斂音奪

拔拔

後魏獻帝次兄為拔拔氏後改為長孫氏

拔略

一作拔晷後魏官氏志有拔晷氏改為蘇氏

○案氏族略引官氏志作

拔略今官氏志俱無此文

拔也

與斛律同祖號拔也部後改斛律為拔也氏

拔列蘭

官氏志改為梁氏

○案今官氏志係拔列氏改為梁氏

十四點

滑

出自姬姓伯爵之國後以爲氏

佚

出姓苑佚音八

案字韻諸書俱無此字廣韻亦不載疑卽从字之訛音與八同今附入點韻

滑伯

元和姓纂曰漢有滑伯堪爲齊悼王中尉誤矣是人氏滑而名伯堪非複姓也

十五鎔

殺利

南詔單單國王姓殺利名尸陵伽

殺利邪伽

舊云生邪伽南蠻波利國殺利邪伽名護路那婆

十六屑

頡

案此條原本次齧氏後依廣韻移正

黃帝史官蒼頡之後風俗通古有賢者頡衛

齧

元和姓纂曰莊子齧缺學道於王倪誤矣齧缺非姓名

鐵弗

後魏官氏志鐵弗氏改為河南弗氏

案今官氏志無此文下條同

纈那

出後魏官氏志

古今姓氏書辨證卷三十七終

古今姓氏書辨證卷三十八

十七薛

薛

出自任姓黃帝孫顓帝少子陽封於任十二世孫奚仲爲
夏車正禹封爲薛侯其地魯國薛縣是也奚仲遷於邳十
二世孫仲虺復居薛爲湯左相臣扈祖已皆其胄裔也祖
已七世孫曰成徙國於摯更號摯國女太任生周文王至
武王克商復封於薛爲薛侯齊桓霸諸侯薛侯獨不從黜
爲伯厯三代凡六十四世其可記者軫生初初生厲侯陵
陵生宣武侯房房生哀侯褒褒生莊侯元元生平侯貴貴
生昭侯直直生襄侯夷夷生威侯辯辯生康侯安興安興

生定公箱箱生恭侯尙尙生景侯魏魏生宣侯伯勤伯勤
生簡侯文觀文觀生惠侯夷黃夷黃生靈侯英英生文侯
俱俱生隱侯清清生愍侯洪洪爲楚所滅公子登仕楚懷
王爲沛公不仕隱於博徒因以國爲氏所謂薛公也漢御
史大夫廣德孫愿徙居淮陽巴蜀太守齊又徙河東汾陰
世號蜀薛生懿懿三子恢雕興恢一名開河東太守號北
祖雕號南祖興號西祖興子濤與北祖南祖分統部衆世
號三薛至內都大官謹五子號漢上五門世系皆具唐宰相
表吳薛綜子瑩孫兼三人皆爲太子太傅謂之吳國三
傅後魏薛通子道衡道衡子收收子元超子曜五世有文
集唐薛瓘瓘子紹及堂姪衡衡子琇並尙主一門四主隋

唐定河東薛爲乙門太和二十年衆議以薛氏爲河東茂族帝曰薛氏蜀人也豈可入郡姓直閣薛宗起執戟在殿下出次對曰臣之先人漢末仕蜀二世復歸河東今六世相襲非蜀人也伏以陛下黃帝之裔受封北土豈可亦謂之胡耶今不預郡姓何以生爲乃碎戟於地帝徐曰然則朕甲卿乙乎乃入郡姓仍曰卿非宗起乃起宗也賈執姓氏譜劉朱周武薛爲沛國五姓魏太和族品柳裴薛爲河東三姓

泄

春秋時鄭大夫洩駕洩伯之後有洩堵冠又有陳大夫洩冶亦作泄魯人泄柳漢中大夫泄公與貫高相知

洩

春秋時鄭大夫洩伯之後有洩堵寇

高

邵氏曰音薛契之後世爲氏謹按漢書契作高

裂

出自春秋紀大夫裂繻字子帛之後

竭

案此條原本次說氏後依廣韻移正

今撫州臨川細民有此氏不知其所自出

折

後漢獨行傳折像字伯式廣漢雒人其先張江者封侯於折曾孫國爲鬱林太守徙居廣漢因封氏焉國生像

案後漢書

折像入方術傳此作獨行傳誤

又羌族有西河折氏世家雲中爲北蕃大族自唐以來世爲麟府州節度使宋西河折氏唐振武軍緣河五鎮都知兵馬使宋本生嗣倫麟州刺史嗣倫生從阮周靜難軍節度檢校太師兼侍中從院生德晟德愿德展永安軍節度檢校太師贈侍中有傳二子御勲泰寧軍節度檢校太尉兼侍中有傳

舌

謹按春秋越大夫止有后庸而姓書以后爲舌誤

○案舌庸見外

傳越語疑卽吳越春秋之

世無舌氏或云恐周官舌人之

後

龔

姓苑云東莞人本姓薛以避仇加木

悅

後燕錄悅希爲慕容恪司馬

說

言說之說亦姓也

砮

○案此條原本次裂氏後依廣韻移正

音徹周禮砮鏃

○案鏃當作族

氏後

列禦

元和姓纂曰鄭穆公時列禦寇之後著書八篇誤矣謹按
列子名禦寇謂之子列子如曰禦寇伏地汗流至踵則單
姓列明矣

揭陽

漢功臣揭陽定初爲南越揭陽令聞漢兵至定降封安道侯因官爲氏定薨子當時嗣師古曰揭音竭

折掘

南凉秃髮傉檀立其妻折掘氏爲皇后又右衛折掘奇鎮據石驢山叛

折婁

本鮮卑人隨魏南徙

悅力

後魏有悅力氏

別成

○案此條原本本次折婁氏後依廣韻移正

漢藝文志陰陽家有別成子望軍氣六篇今詳別成乃著書人也

十八藥

藥

唐貞觀所定果州武都郡五姓一曰藥宋太原藥氏定國軍節度使檢校太師贈侍中元福有傳生可瓊軍器庫使

略

姓苑曰零陵人千姓編曰吳有略統誤矣統姓駱

若

古有賢人若氏魯人漢河間王元與妻若共乘朱輪若卽妻之氏也淳于長母乃王氏名若不可不辯

都

出自春秋都國在商密秦滅之子孫以國爲氏

搏

案廣韻十八藥無搏字此條原本次一屋謬氏後依原音拂縛切移附藥韻

音拂縛切出集韻

若敖

出自芊姓楚子熊鄂生熊儀謂之若敖後以爲氏謹按春秋楚君之不以壽終者葬不以成君之禮皆謂之敖若敖霄敖堵敖杜敖訾敖皆是也

若羅

晉孝惠帝時鮮卑若羅拔能寇涼州張軌擊斬拔能威名大振

若干

出姓苑後魏代北人後改爲若氏

○案魏官氏志若干氏後改爲苟氏與此異

晉載記後燕步兵校尉若久和

案後魏始改若干爲若氏後燕之若久和在改氏前

不應爲若干氏之後

豐相

姓苑曰沛人其先魯大夫食采豐相因氏焉

藥羅葛

唐回紇舊傳回鶻居薛延陀北婆陵水上距京師七千里有九姓藥羅葛回紇姓也回紇嘗遣藥羅構來朝本唐人姓呂氏因入回紇爲可汗養子遂從其姓

若口引

後魏若口引氏改爲寇氏孔至雜錄曰引音辰

十九鐸

莫

其先楚人以大爲莫故其官謂之莫敖後以官氏漢獻帝時有益州從事莫嗣河南莫氏後魏刑莫氏莫多婁氏改焉

○案魏官氏志有莫那莫氏後改爲莫氏無刑莫及莫多婁文

幕

出自媯姓帝舜之後有虞幕名思爲夏諸侯能聽協風以成樂物生功在祀典三王皆祀之後世氏焉

鄭

音莫

八姓按河間有鄭縣此必以邑爲氏

落

春秋赤狄皐落氏後單爲落氏後漢中平四年二月滎陽賊殺中牟令落皓

絡

衛有賢者絡疑之後

駱

後京呂纂親將駱膽

雒音洛

馬援傳釐音廉洽縣有雒將乃徵側徵貳之父謹按前漢注漢火行忌水故去洛水而加佳然則此人以水爲氏姓苑又有雒氏音洛

錯

姓苑宋有太宰錯君後爲氏唐時溫泉多此姓

閣

唐有閣輔奴任潭州槁口鎮副使自云望出河內

鄂

巴陵蠻七姓其一曰鄂氏

薄

晉東海王越有將薄盛今望出鴈門譙郡

郝

秦上卿郝晏唐有土蠻揚劉郝三姓世爲長襲封王又盧水郝奴乘慕容氏旣敗之後稱帝長安姚萇攻降之後燕

有平北司馬郝景北燕有昌黎郝越

索

昔各切

出自周成王分魯公商民六族其一索氏之後後漢燉煌長史索班

恪

音鶴

姓苑貉音鶴恪音涸

耨

音作出蒼頡史篇

博

風俗通漢有博勞吉善相馬今望出淮南謹按博齊之聊攝秦爲東郡隋因博平縣建爲博州

霍

唐貞觀所定果州武都郡七姓一曰霍氏

郭

出自姬姓周武王封文王弟虢叔於西虢封虢仲於東虢
西虢地在虞鄭之間平王東遷奪虢叔之地與鄭武公楚
莊王起陸渾之師伐周責王滅虢於是平王求虢叔裔孫
序封於陽曲

案唐世系表此下尚有虢為郭公因以為氏文義方順

因以為氏後魏

郭崇播本党氏改為賈執姓氏譜定太原五姓隋唐定山
東八族其一皆曰郭氏謹按春秋齊大夫有郭榮郭周父
則郭公之後得姓者初仕齊又唐表誤以楚武王為莊王
合改正

鐸遏

姓纂曰晉軍尉鐸遏寇之後宋襄公下大夫鐸遏章謹按
遏寇姓鐸氏晉人也故望出絳郡

莫侯

河南乞伏乾歸有梁州刺史莫侯悌眷爲御史大夫

莫興

後魏官氏志莫興氏改爲興氏

莫盧

莫盧氏改爲盧氏

莫折

後魏末有亂寇莫折念生

落姑

○案此條及下落下駱雷拓跋拓王五條原本次蒲野氏後依廣韻移正

魯大夫食采落姑氏焉漢有博士落姑仲異

落下

益部耆舊傳有閬中落下閼作太初厯

按落下閼原傳作洛下閼此誤

駱雷

代北人姓

拓跋

出自姬姓黃帝生昌意受封北土黃帝以土德王北俗謂土爲拓謂后爲跋故以拓跋爲氏或說自云拓天而生拔地而長遂以爲氏裔孫始均仕堯時逐女魃於弱水北人賴其勲舜命爲田祖厯三代至秦漢不交南夏至成皇帝

毛統國三十六女 九十九威振北方成帝十二世至獻
帝生聖武皇帝詰汾田于山澤天女受命相偶明年以所
生男授帝是爲神元皇帝生力微時人諺曰詰汾皇帝無
婦家力微皇帝無舅家神元一百四歲崩子章皇帝悉鹿
平皇帝綽繼立綽崩文帝少子思皇帝弗政立裔孫昭成
皇帝什翼健生太子實生道武皇帝珪始稱魏珪生明皇
帝嗣嗣生太武皇帝燾燾生景穆太子晃晃生文成皇帝
濬濬生獻文皇帝弘弘生孝文皇帝宏太和二十年正月
丁卯詔改姓元氏自是拓拔氏降爲庶姓散在夷狄唐時
党項以姓別爲部而拓拔氏最彊有拓拔赤辭與從子思
頭其下拓跋細豆皆隆擢西戎州都督賜姓李又有靜邊

州刺史拓跋朝光樂州刺史拓跋乞梅其居夏州者號平
夏部天寶末戰有功擢容州刺史天柱軍使裔孫拓跋思
恭咸通末討巢賊僖宗以爲夏綏銀宥節度使同平章事
賜姓李其弟思諫思欽皆節度使

拓王

後周王赧王與並賜姓拓王氏舊唐史儀鳳二年命儋州
都督拓王奉擊吐蕃

薄奚

官氏志薄奚改爲河南薄氏

薄野

代北薄野氏

索盧

後秦燉煌索盧曜姚萇遣刺苻登不克被誅

莫那盧

代北三字姓孔至曰莫那盧氏後改姓盧

古今姓氏書辨證卷三十八終

古今姓氏書辨證卷三十九

二十陌

貉

自貉稽始以氏見孟子音陌而姓書誤音鶴

白

出自姬姓周虞仲封於虞晉滅虞虞公族井伯奚事秦號
百里奚奚生視字孟明古人皆先字後名故稱為孟明視
視少子曰白乙丙其後以為氏裔孫武安君起賜死杜郵
始皇思其功封其子於太原故子孫世為太原人三十三
世孫案唐世系表三十三世後魏太原太守邕五世孫建字季
庚生幼文居易行簡案唐世系表邕五世孫建建五世孫季庚生幼文等與此不合兄子

敏中相唐宣宗世系具唐宰相表

帛

神僊傳有帛和晉有僧帛道佺漢有五威將軍帛敞又軍將帛意斬李憲降封漁浦侯注曰帛姓也

伯

風俗通曰嬴姓伯益之後爲氏以理推之必姜姓伯

原缺一字

○案當脫夷字

之後舜命伯夷作秩宗其書曰帝曰咨伯則伯爲

夷之字後世氏焉楚太宰伯州犁州犁生吳太宰嚭字子餘孔子之友伯高弟子伯虔字子折

柏

開封柏孝隆駕部員外郎生什邡尉初又柏元康監襄邑

倉

百

漢酷吏咸宣傳盜賊滋起南陽有梅免百政師古曰梅百皆姓也高麗八姓其一曰百氏

劇

音極

宋大理卿劇可久字尚賢范陽人有傳又太常丞劇元吉

窄

○案此條原本次窄氏後依廣韻移正

廣韻窄一作達姓苑又作窄今豫章有此姓

窄

音仄

出姓苑謹按後漢末丹陽人窄融爲徐州牧陶謙督運糧遂斷三郡委輸大起浮屠寺又殺廣陵豫章二太守後爲

劉繇所破人殺之於山中

逵音仄

廣韻竿一作逵姓苑又作窄今豫章有此姓

郤音隙

俗作郤自晉大夫郤文生豹豹生芮芮生成子缺皆食邑於冀缺生獻子克其後錡曰駒伯犇曰苦成叔至曰溫季子揚曰步揚皆以所食邑著名又有稱乞穀漆皆爲卿大夫今作郤氏望出山陽

格

出自金天氏裔子曰昧生允格臺駘允格之後以字爲氏後漢有御史格班班曾孫顯後魏青州刺史顯曾孫處仁

生輔元爲唐宰相蓋陳留八俊之一人也舊史畢師鐸以卒長格元真主兵

翟

西河翟氏出自黃帝之後春秋時世居北地後徙西河故賈逵注國語云翟居北地後爲晉所滅秦并天下子孫分散居晉地及江南今翟氏出汝南而音宅者又別爲一氏更考正之宋濟州任城翟氏晉左司禦率溥生守素商州團練使

號音國

出自姬姓周武王叔父號叔封於西號弘農陝縣東南之號城是也號仲封於東號滎陽成皐是也春秋之前鄭滅

東號以爲制邑子孫以國氏晉大夫號射卽其後也

白公

邵氏曰楚白公勝之後有爲氏者今從其說

白侯

後漢尙書郎白侯攜吳有張昭師白侯子安謹按此文皆柏侯氏誤以爲白

白冥

史記秦本紀贊有白冥氏蓋嬴姓十四氏之一也

白象

風俗通白象先生古賢人隱者

白威

出姓苑

伯宗

世本晉孫伯起生伯宗因氏焉謹按此謂伯氏所自起也姓纂以爲伯宗複姓誤矣

伯高

元和姓纂曰列子友伯高子進此校勘之誤也伯高合爲複姓然進字乃下文曰進二子之道姓纂誤斷一句觀者詳之

伯成

莊子伯成子高辭爲諸侯而耕亦作柏成

伯有

鄭良霄字伯有子孫氏焉

百里

出自姬姓周太王五世孫虞仲受封于虞晉獻公滅虞執其大夫井伯奚使媵伯姬於秦秦以奚爲大夫食采於百里因號百里奚地在唐涇龍之間馬璘敗吐蕃衆於百里卽其地也奚子視以百里爲氏謂之百里視字孟明或曰奚字百里後漢百里嵩爲徐州刺史州境遭旱嵩行部傳車所經卽雨

郤州

世本晉郤豹孫步揚生郤州因氏焉

赫連

其先匈奴右賢王去卑之後劉元海之族曰訓兒追諡元
帝生武前趙安北將軍丁零中郎將樓煩公追諡景帝生
豹子後趙平北將軍左賢王丁零單于追諡宣皇帝生衛
辰前秦西單于追諡桓皇帝廟號太祖衛辰生丞相代公
右地代大將軍魏公力侯提大夏皇帝赫連勃勃字屈子
案魏書作子此字誤勃勃以後魏天賜四年稱王朔方國號夏自
云朕之皇祖自北庭幽朔姓改妣氏音殊中國故從母氏
爲劉子而從母之姓非禮也古人氏族無常帝王者繼天
爲子是爲徽赫實與天連因改曰赫連氏立其子璜爲太
子延爲陽平公昌爲太原公倫爲酒泉公定爲平原公滿
爲河南公安爲中山公勃勃僭位十三年死昌嗣立魏人

執之定自立于平涼亦爲魏所滅定裔孫子悅字士欣後
魏太常卿生仲章中書舍人又勃勃兒子大將軍羅提族
人前將軍昌御史大夫梁公叱干阿利征南將軍阿利羅
引尚書令若門尚書左僕射叱以韃征北將軍尚書右僕
射乙斗

號射

元和姓纂曰晉大夫號射之後漢昭烈帝時有羽林監號
射鏘

二十一麥

麥

姓苑云高要始興有此姓隋有將軍麥鐵杖日行五百里

嘗有竇姓者戲之於朝堂鐵杖正色曰豈之與麥相去幾何人以為名對宋內侍麥允言謚威勤公

麥

齊桓公至麥丘麥丘人年八十三祝桓公壽公封之麥丘其後因以為氏焉

二十二昔

掖

官名後以為氏

易

前京將軍易掖今望出濟陽

掖

亦音

急就章有液容調

案液碑本作掖師古曰掖氏上古道術之士善於鍊化能作液湯者後嗣因以

液為姓王應麟曰液縣名在東萊今萊州以邑為氏廣韻亦引之

釋

其先釋王國人號為釋種秦漢間匈奴破釋國釋王南君
別賓種分散為數國自疏勒以西休儲捐毒之屬皆是漢
史以釋為塞時人語有輕重故訛也西域傳曰悉達成道
謂沙門為釋氏蓋釋種也支僧載外國事曰迦維羅越國
今無復王城池荒穢維空處有優波塞姓釋可二十餘家
是昔淨王之苗裔故為四姓住在古城中俗尚精進猶有
古風

丙

音亦

出姓苑

石

出自衛大夫石碯其先以王父字爲氏碯生石厚碯孫駘仲生祁子及庶子五人駘仲孫曰成子稷稷生共子買買生悼子惡惡生曼姑曼姑生魑又有石圃石乞韻譜曰石紛如爲柱石臣得氏誤矣紛如齊小臣也後涼有西安太守石元良前燕都尉石琮鎮南將軍石賢禿髮烏孤將石亦干唐西域石國王姓石亦音祐

大宛北鄙也

案通考石國或曰祐支或曰祐祈或曰藉時漢

鉅

集韻曰姓也出彭城

席

○案此條原本次夕氏後依廣韻移正

漢有安定太守席永家焉

夕

○案此條原本次藉氏後依廣韻移正

漢書巴郡蠻渠帥七姓有羅樸普鄂度夕龔

藉

○案此條原本次鉅氏後依廣韻移正

春秋時晉有藉偃藉秦皆為大夫秦漢間有藉福即其後

射

出自晉大夫號射之後以王父字為氏謹按漢律歷志武帝元封元年詔大典星射姓造太初歷不知此人之姓音社音石也

益壽

老子父李氏名乾字元果爲周上御大夫娶益壽氏女曰嬰敷生耳

赤松

古仙人赤松子因以爲氏

赤章

韓子曰智伯以鍾遺仇繇赤章蔓枝諫令不受

石作

孔子弟子石作蜀字子明英賢傳曰姓石作名蜀未知何據

石駘

元和姓纂曰駘仲之後亦作石駘氏

石戶

莊子舜友有石戶之農

石之

元和姓纂曰齊有石之紛如謹按燭之武佚之狐耿之不
比夏之御寇皆姓名中有之字則紛如姓石爾非以石之
爲複姓也

籍止

左傳齊大夫籍止子鉏之後

辟閭

元和姓纂曰衛文公會孫以居楚止營辟閭里後世因爲
辟閭氏晉有寧州刺史辟閭彬宋高祖時燕辟閭蔚生幽

州刺史辟閭渾渾生辟閭道秀皆其後也唐藝文志有大
歷時司禮博士辟閭仁請注老子二卷

赤小豆

後改爲豆氏

古今姓氏書辨證卷三十九終

古今姓氏書辨證卷四十

二十三錫

錫

謹按春秋宋鄭之間有隙地六邑其一曰錫宋人城之以處宋元公之孫必其後以邑爲氏

酈音歷

宋江陵酈坦縣令生知白知白生象中象中生因近時叛將酈瓊

狄

後秦樂平侯伯文裔孫恭居太原生湛東魏帳內正都督臨邑子孫孝緒尚書左丞臨穎男生知儉知本知儉越州

刺史生仁傑

案唐世系表狄孝緒子知儉知本知遜知遜官越州刺史生仁傑此作知儉越州刺史生

仁傑誤

仁正仁節仁恪仁矩仁傑字懷英宰相梁國公生戶

部郎中光嗣謹按曾大夫狄虎彌狄儀皆之祖後魏河

南狄氏本段匹碑之後庫狄氏改焉

休

音溺○案此條原本次戚氏後依廣韻移正

姓苑云人姓也古文作休

壁

齊壁司徒之後為氏

戚

出白衛大夫孫林父食邑於戚其支庶以為氏漢功臣表
臨轅堅侯戚鯁生夷侯觸龍觸龍生共侯中中生賢

析成

姓纂曰齊大夫析成鮒誤矣謹按春秋魯定公十四年析成鮒小王桃田率狄師襲晉不克士鮒奔周小王桃甲入于朝歌則鮒姓士氏杜注曰二子晉大夫范中行之黨是也今駁去

二十四職

勅

姓苑音棘

息

出自姬姓息侯之國其地蔡州新息縣是也春秋魯莊公十四年楚文王滅之子孫以國爲氏漢有河內息夫躬

植

天竺胡人之姓蓋釋種也

識

出姓苑

棘

謹按春秋齊楚皆有棘齊邑在西安縣東戟里亭楚邑在譙鄆縣東北棘亭然則千成之先必齊或楚人仕衛者

弋

音亦

姓苑云今蒲郡多此姓望出河東弋子元登進士第官至

殿中侍御史

稷

○案此條原本次植氏後依廣韻移正

堯時棄爲后稷子孫以官爲氏

因

通音

姓源韻譜曰人姓也

直勒

唐藝文謝偃傳衛州衛縣人祖孝徵任北齊散騎常侍本姓直勒氏改爲謝氏

勑力

後魏高車別帥有勑力韃

弋門

姓苑云漁陽人

卽墨

田單守齊卽墨有功因以爲氏漢有城陽相卽墨成齊人
受易於田何

二十五德

勒

晉王厥有騎督勒滿破張昌於隋郡元經薛氏傳晉時卽
奴國民有勒氏多反叛

特

晉大夫特宮始以氏見於春秋

墨

孤竹君後本姓墨胎避難改爲墨氏

塞

姓苑云南越人謹按前漢西域傳匈奴破月支塞王南君

大夏秦漢書西域傳大月氏西君大夏而塞王南君罽賓此作南君大夏誤塞種分散往往

為數國自疏勒以西北休儲捐毒之屬案漢書武帝通西域三十六國內有

休循捐毒荀悅漢紀亦作休循此作休儲誤皆故塞種也師古曰塞音先得反

即所謂釋種者亦語有輕重爾

北

出姓苑高麗人

國案此條原本次塞氏後依廣韻移正

春秋時有國莊子歸父生武子佐佐生景子弱及勝弱生
惠子夏及中軍將書書生觀世為齊上卿唐百濟大臣八
姓其一曰國氏

黑肱

楚王子黑肱字子皙其後以爲氏

黑齒

出自南詔羣蠻有黑齒金齒銀齒三種見人以漆及金銀鏤飾飲食則去之因爲氏

墨夷

風俗通宋大夫有墨夷須墨夷鴻邵氏姓解曰宋公之子目夷之後古有墨夷皐按此卽墨目音變也

墨台

亦作默夷孤竹君之後也漢有墨台綰

方侯

上音墨下音其其先魏文帝大統七年万俟醜奴自稱天子置百官以万俟作爲僕射改元神獸尔朱榮遣天光討之生擒醜奴斬於都市其後西魏有特進万俟普爲秦州刺史又万俟壽樂爲司徒唐朱泚有殿中侍御史万俟

著
北宮

出自姬姓衛成公會孫括世爲衛卿別以所居爲北宮氏後漢靈帝時有胡北宮伯玉晉有尙書北宮純子華子有弟子北宮意能傳其道

北郭

出自齊北門之城謂之北郭大夫居北郭者因以爲氏

北殷

元和姓纂曰史記湯後

北旄

世本曰子姓

北鄉

出姓苑

北正

出姓苑

北附

出姓苑

二十六緝

立

姓苑云古賢者立如子之後又云立如子複姓

給

出姓苑

戢

側立切

謹按春秋有廬戢犂國語注曰廬楚邑戢犂廬大夫則犂

以戢氏也

執失

○案此條原本次邑里氏後依廣韻移正

北蕃酋帥有咄密支頡利發姓執失氏生思力唐史有傳

邑裘

元和姓纂曰衛太史柳莊卒公與之邑裘氏與縣潘氏故

衛有邑裘氏謹按禮記注曰裘與縣潘皆邑名則邑裘本
非複姓林氏誤矣

邑由

楚大夫養由基之後改爲邑由氏避仇也晉東莞莒縣人
邑由養真

邑里

出姓苑

二十七合

合

出自子姓宋向戌爲左師食采於合謂之合左師後世氏
焉

郤合音

河南郤氏後魏大莫干氏改焉

頌音

音閭春秋遂人四族一曰頌氏

伶

出姓施音殒

合博

漢功臣表有貫齊侯合博胡害以越戶將從破秦入漢定
三秦以都尉侯子其侯方山生煬侯赤赤生康侯遺遺生
猜國除貫音式制反

胥盧

後魏官氏志沓盧氏改爲沓氏

二十八蓋

蓋

越騎校尉蓋勳字元固燉煌廣至人家世二千石漢陽太守進生大司農彪彪生思齊安定屬國都尉思齊生勳謂之京兆勳子順永陽太守皆有傳及世系唐安西都護蓋嘉運後魏河南蓋氏蓋樓氏改焉謹按孟子有蓋大夫王驩又曰陳仲子兄戴蓋祿萬鍾注蓋齊邑也今宜曰蓋氏出自齊大夫食采於蓋以邑爲氏則詳明矣唐魏徵定天下姓氏平昌郡三姓山陽郡五姓皆有蓋氏

庶

音闍纂文要云人姓也

垂

音軟

才蓋反又音閤今北海有此姓出纂文要

蓋樓

後魏代北蓋樓氏後改爲婁氏

○案前蓋氏條云改爲蓋氏此云改爲婁氏殊不合

魏官氏志與前條同

二十九葉

葉

失涉切今音枝葉之葉蓋攝葉音變也下邳葉氏出自芋姓後漢日南徼外蠻葉調賜金印紫綬吳志孫堅有都尉葉雄卽其後也重賁葉氏大理評事懷德生材錢塘葉氏

桂州司法曉二子昌言祕書丞昌齡屯田員外郎歸化葉氏閩尉同生詣著作佐郎

接

三輔決錄有接子名昕著書十卷

涉

其先晉大夫涉佗以邑爲氏潞州涉縣卽其地也晉有涉賓神仙傳有涉正漢有遼東部都尉涉河前燕慕容翰伐宇文歸歸遣驍將涉樂于盡衆拒翰慕容皝遣使謂翰曰樂于雄悍宜少避之翰曰樂于徒有虛名實易與耳果敗樂于斬其首俘其衆以歸

稿

○案原本誤作獵今依下文改正與廣韻合

邵氏曰音獵犬戎之姓謹按唐貞觀所定坻上郡大姓其一曰獬氏

捷

乞伏熾磐克樂都遣平遠將軍捷虔帥騎五千追侮檀

聶

謹按春秋魯僖元年齊師宋師曹師次于聶北救邢注曰聶北邢地詳此卽聶爲衛地元和姓纂曰衛大夫食采於聶因以爲氏是也廣韻以衛爲楚誤矣春秋時楚大夫有攝叔蓋攝聶聲相近然則叔之先乃衛大夫史記軹深井里人聶政宜爲攝叔之後唐末文士夷中五代周將知遇宋欽州聶氏唐鴻臚卿師道揚行密奏爲問政先生始葬

新安七世孫冠卿字長儒大中祥符二年進士爲翰林學士兼侍讀學士知制誥有傳弟世卿爲太常博士冠卿五子友仲平仲儀仲文仲公仲世卿一子荀仲河南洛陽聶氏國子司業兼太常博士崇義有傳

輒

謹按姓書有輟終古恐誤作輒字

接輿

元和姓纂曰論語楚狂接輿隱者也其後爲氏

涉其

姓書多曰世本楚大夫有涉其氏春秋涉其孥是也謹按春秋定五年傳吳人楚楚昭王奔隨將涉於成臼藍尹亹

涉其孥不與王舟及寧王欲殺之子西曰子常惟思舊怨以敗君何效焉王曰善然則藍尹驪自以舟送其妻子濟水非有人姓涉其名孥者請削此姓以正其誤

三十帖

俠

韓相俠累之後急就章有俠却敵

英

漢藝文志有英氏春秋

案漢藝文志英作夾

王僧孺百家譜曰苟承

之娶蔡陽英氏

英成

案此條原本次牒云氏後依廣韻移正

世本曰晉大夫有英成僖子

牒云

魏遣牒云且仁使柔然迎阿那瓌反國代北牒雲氏改雲氏

跌

案廣韻三十帖無跌字此條鄧氏無音原本次二十九葉涉其氏後集韻音奚結切屑韻亦無此字今依諸

附

北蕃首領之姓

三十一治

夾

漢藝文志春秋有夾氏傳十一卷師古曰夾音煩邵氏曰楚有大夫邲敖誤矣謹按邲敖楚靈王之號也

邲

音夾

出自鄭大夫郊張其先以所食邑爲氏汝州郊城縣卽其地

三十二狎

甲

元和姓纂曰出自商王太甲之後莊子曰公族昭甲然則
芊姓之後其公族大夫有甲氏當以莊子爲正韻譜曰左
氏鄭有甲石父誤矣甲父姓石非石父姓甲潘安仁關中
詩曰謬彰甲吉甲吉姓名羌奴也李善注文選曰晉人滅
赤狄甲氏乃其先也

嘽

○案廣韻三十二狎無嘽字此條原本大甲父
氏後今依集韻音壓收入狎韻仍依廣韻移正

西城挹怛國漢有大月氏之種嘽王姓也後裔以姓爲

國訛爲挹怛亦曰挹闐俗類突厥

甲父

古諸侯國因以爲姓高平縣東南有甲父亭卽其地

三十三業

業

經典釋文曰朱奉朝請業遵字長孺燕人作禮記注十二

卷

鄴

風俗通漢有鄴鳳

○案廣韻引作風

爲梁令今望出滎陽及武陵

齊

出姓施

終

古今姓氏書辨證跋

按玉海紹興四年三月乙亥撫州鄧名世以所著春秋四譜
六卷辯論譜說十篇古今姓氏書辨證四十卷來上今四譜
及譜說竝佚辨證亦無完本其存者經永樂大典割裂錯簡
誤字不一而足岱南閣刊本又因陋就簡無所是正似非質
疑傳信之旨因依廣韻重爲編次窮五閱月之功校訂數四
雖未必能循鄧氏故步較孫本則有間矣是書大致彷彿元
和姓纂而詳核過之中引北魏官氏志諸書頗與今本不同
風俗通氏姓篇亦多抱經盧氏所未采竝足以資考證胡松
年稱其攷訂明切多所按據誠非虛語然如以公叔發爲衛
獻公少子以公孟彊爲公子繫孫以魏曼多爲襄子兄子以

季文子爲成季子以韓簡爲武子萬之子讀蔡朝吳之朝爲朝廷之朝改趙大成午爲成午又謂齊有兩淳于髡考之于書未見所本殆不免于慮之一失校閱間有所擬議妄附案于下又黃晉卿曰損齋筆記譏其音宋穆公後之繆爲穆秦繆公後之繆爲謬翟方進之翟爲狄汝南之翟爲宅今檢去聲五十一幼謬姓下云後漢有謬彤亦作繆入聲一屋繆姓下云秦繆公之後未嘗音謬而二十陌翟姓下止云今翟氏出汝南而音宅者又別爲一氏更考正之此或方音流變使然在鄧氏不過爲存疑之辭晉卿所論殊未得其實至得姓之源流譜系之斷續支離傳會姓書通弊則存而不論讀者姑略其短而取其長焉可也甲午立秋前一日柘湖錢熙祚

識於式古居

古今如日書



